

ქ. თბილისი

„27“ „ივნისი“ 2017 წ.

ერთი მხრივ, სსიპ „სოციალური მომსახურების სააგენტო“ (შემდგომში - „შემსყიდველი“), წარმოდგენილი მისი დირექტორის, ზაზა სოფრომაძის სახით და მეორე მხრივ, შპს „GS“ (შემდგომში - „მიმწოდებელი“), წარმოდგენილი მისი დირექტორის, გივი სამადაშვილის სახით (ორივე ერთად წოდებული - „მხარეებად“), „სახელმწიფო შესყიდვების შესახებ“ საქართველოს კანონის და პრეტენდენტის (შპს „GS“) სატენდერო წინადადების საფუძველზე, NAT170005502 ელექტრონული ტენდერის ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულების საგანი

2.1. ხელშეკრულების საგანს წარმოადგენს „სოციალური რეაბილიტაციისა და ბავშვზე ზრუნვის 2017 წლის სახელმწიფო პროგრამის“, „კრიზისულ მდგომარეობაში მყოფი ბავშვიანი ოჯახების გადაუდებელი დახმარების ქვეპროგრამით“ (შემდგომში „ქვეპროგრამა“) გათვალისწინებული საქონლისა (სარეცხი მანქანა - 200 ცალი) და თანმდევი მომსახურების (საქონლის მიწოდება ქვეპროგრამის ბენეფიციართათვის) სახელმწიფო შესყიდვა (CPV კოდი 39700000; 39713200).

2.2. მოსაწოდებელი საქონლის დასახელება, რაოდენობა და ერთეულის ფასი მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს 79 600 (სამოცდაცხრამეტი ათას ექვსასი) ლარს.

3.2. ხელშეკრულების საერთო ღირებულება მოიცავს საქართველოს მოქმედი კანონმდებლობით დადგენილ ყველა გადასახადს/მოსაკრებელს/სახდელს, ასევე შეფუთვის, მარკირების და ყველა სხვა თანმდევ ხარჯს, რომლის გადახდა ეკისრება „მიმწოდებელს“.

4. საქონლის შეფუთვა და ტრანსპორტირება

4.1. მოსაწოდებელი საქონელი შეფუთული უნდა იყოს შესაბამისი ნორმების დაცვით.

4.2. „მიმწოდებელი“ პასუხისმგებელია „შემსყიდველის“ წინაშე საქონლის/მისი შეფუთვის ნებისმიერი სახით დაზიანების ან/და განადგურების შემთხვევაში, რისთვისაც „მიმწოდებელმა“ უნდა უზრუნველყოს საქონლის სრული უსაფრთხოება ტრანსპორტირებისას, შესაძლო დაზიანებისა და გაფუჭებისგან.

4.3. „მიმწოდებელი“ ვალდებულია უზრუნველყოს N1 დანართით გათვალისწინებული საქონლის შეფუთვა და მისი ტრანსპორტირება, ხელშეკრულების პირობების შესაბამისად.

4.4. საქონლის „შემსყიდველისათვის“ გადაცემამდე, „მიმწოდებელი“ პასუხისმგებელია საქონლის ნებისმიერი სახის დაზიანების შემთხვევაში.

5. საქონლის მიწოდების და მიღება-ჩაბარების პირობები

5.1. საქონლის მიწოდება განხორციელდება შემდეგი პირობების შესაბამისად:

5.1.1. საქონლის მთლიანი მოცულობის არაუმეტეს 20% - ხელშეკრულების გაფორმებიდან არა უგვიანეს 30 კალენდარული დღის განმავლობაში (საქონლის მიწოდების ვადის პირველ სამუშაო დღედ ითვლება ხელშეკრულების გაფორმების დღის მომდევნო კალენდარული დღე);

5.1.2. საქონლის დარჩენილი რაოდენობა - ეტაპობრივად, „შემსყიდველის“ მოთხოვნიდან 5 (ხუთი) სამუშაო დღის განმავლობაში, ამასთან, არა უგვიანეს 2017 წლის 25 დეკემბრისა. საქონლის მიწოდების ვადის პირველ სამუშაო დღედ ითვლება „მიმწოდებლის“ მიერ მოთხოვნის მიღების დღის მომდევნო კალენდარული დღე.

5.1.3. შემსყიდველი მოთხოვნას (შეკვეთას) განხორციელებს წერილობით ან ელექტრონული ფოსტის მეშვეობით. ელექტრონულ ფოსტაზე (giga_samadashvili@yahoo.com) გაგზავნილი მოთხოვნა (შეკვეთა) ითვლება ოფიციალურ მოთხოვნად (შეკვეთად).

5.1.4. „მიმწოდებლის“ მიერ „შემსყიდველისათვის“ ხელშეკრულებით გათვალისწინებული საქონლის მიწოდების ადგილს წარმოადგენს „შემსყიდველის“ მიერ მითითებული „ქვეპროგრამის“ ბენეფიციართა ადგილსამყოფელი საქართველოს მასშტაბით - ქალაქების, მუნიციპალიტეტების, დასახლებული პუნქტების (თემი, სოფელი) ჩათვლით, რომელიც მიმწოდებელს გადაეცემა საქონლის თითოეული პარტიის ბენეფიციარისთვის მიწოდებამდე 5 (ხუთი) სამუშაო დღით ადრე. წინამდებარე ხელშეკრულების მიზნებისთვის, საქონლის მიღებად („შემსყიდველისთვის“ გადაცემა) ჩათვლება საქონლის ბენეფიციარ(ებ)ზე გადაცემა.

5.2. საქონლის მიღებისთანავე, ფაქტობრივად მიწოდებულ საქონელზე, მხარეთა უფლებამოსილ პირ(ებ)ს შორის ფორმდება „მიღება-ჩაბარების“ აქტი, რომლის ხელმოწერას „შემსყიდველის“ მხრიდან განხორციელებს სსიპ სოციალური მომსახურების სააგენტოს დირექტორის ბრძანებით შექმნილი ჯგუფი (სააგენტოს დირექტორის მიერ განსაზღვრული პირ(ებ)ი), რის

საფუძველზე „მიწოდებელი“ „შემსყიდველს“ წარუდგენს სასაქონლო ზედნადებს და საგადასახადო ანგარიშ-ფაქტურას, საგადასახადო კოდექსით დადგენილი წესითა და ვადებში.

5.3. „მიწოდებლის“ მიერ მიწოდებული საქონლის ხარისხსა და ვარგისიანობაზე სრული პასუხისმგებლობა ეკისრება „მიწოდებელს“. საქონლის შემოწმება მისი ვარგისიანობის, რაოდენობისა და მახასიათებლების შესაბამისობაზე „შემსყიდველის“ მოთხოვნასთან უნდა განხორციელდეს მისაწოდებელი საქონლის მიღება-ჩაბარების მომენტში, ორივე მხარის უფლებამოსილი წარმომადგენლების მონაწილეობით.

5.4. ნებისმიერი რისკი საქონლის დაზიანებაზე და აღნიშნულთან დაკავშირებულ ნებისმიერ მოთხოვნასა და/ან პრეტენზიაზე პასუხისმგებლობა ავტომატურად გადადის „მიწოდებელიდან“ „შემსყიდველზე“ მას შემდეგ, რაც მოსაწოდებელი საქონელი გადაეცემა „ქვეპროგრამის ბენეფიციარს“, ამ მუხლით გათვალისწინებული წესით შედგენილი და ხელმოწერილი მიღება-ჩაბარების აქტის საფუძველზე.

6. გარანტია

6.1. „მიწოდებელი“ ვალდებულია გადასცეს „შემსყიდველს“ ნივთობრივად და უფლებრივად უნაკლო საქონელი.

6.2. „შემსყიდველი“ უფლებამოსილია განაცხადოს უარი უხარისხო საქონლის მიღებაზე.

6.3. ხელშეკრულების N1 დანართში მითითებულ საქონელზე (სარეზერვუაჟო) ვრცელდება საგარანტიო ვადა, რომელიც უნდა იყოს 1 (ერთი) წელი, მხარეთა შორის „მიღება-ჩაბარების“ აქტის გაფორმების დღიდან (ბენეფიციარზე გადაცემის დღიდან). გარანტიის პირობები განისაზღვრება შესაბამის ტექნიკაზე გაცემული საგარანტიო ფურცლის შესაბამისად. საგარანტიო ფურცლის გადაცემას „მიწოდებელი“ უზრუნველყოფს „შემსყიდველისათვის“ „მიღება-ჩაბარების“ აქტის გაფორმებისთანავე.

6.4. „მიწოდებელი“ იძლევა გარანტიას, რომ საგარანტიო ვადის განმავლობაში წუნის არსებობის შემთხვევაში „მიწოდებელმა“ შემსყიდველის მოთხოვნიდან არა უგვიანეს 5 (ხუთი) სამუშაო დღისა საკუთარი ხარჯებით აღმოფხვრას დაზიანება ან ჩაანაცვლოს ახლით.

6.5. ხელშეკრულების N1 დანართში მითითებული საქონლის არასათანადოდ ან არასწორად გამოყენების შემთხვევაში და საქონლის ნორმალური ცვეთის შემთხვევაში გარანტია არ მოქმედებს.

7. ანგარიშსწორება

7.1. „მიწოდებელთან“ ანგარიშსწორება განხორციელდება უნაძღო ანგარიშსწორებით, ფაქტიურად მიწოდებული საქონლის შესაბამისად, მხარეთა შორის მიღება-ჩაბარების აქტის გაფორმებიდან და „მიწოდებლის“ მიერ სასაქონლო ზედნადების და საგადასახადო ანგარიშ-ფაქტურის წარმოდგენიდან არა უგვიანეს 10 (ათი) სამუშაო დღის განმავლობაში.

7.3. „მიღება-ჩაბარების“ აქტის, სასაქონლო ზედნადების და საგადასახადო ანგარიშ-ფაქტურის წარმოდგენის გარეშე არ მოხდება თანხის გადახდა.

7.3. მიწოდებლის მხრიდან შესაბამისი საბანკო გარანტიის წარმოდგენის შემთხვევაში დასაშვებია წინასწარი ანგარიშსწორება.

7.4. ამ მუხლის 7.3. პუნქტით გათვალისწინებული ანგარიშსწორების შემთხვევაში, „შემსყიდველი“ უზრუნველყოფს „მიწოდებლისათვის“ წინასწარი ანგარიშსწორების გზით (ავანსის სახით) წარმოდგენილი საბანკო გარანტიით გათვალისწინებული თანხის გადარიცხვას, მას შემდეგ, რაც „მიწოდებლის“ მიერ წარმოდგენილი იქნება ავანსად გადასარიცხი თანხის ოდენობის საბანკო გარანტია. საბანკო გარანტიის მოქმედების ვადა მინიმუმ 30 (ოცდაათი) დღით უნდა აღემატებოდეს ხელშეკრულების 5.1. პუნქტით გათვალისწინებულ საქონლის მიწოდების საბოლოო ვადას (2017 წლის 25 დეკემბერი).

8. მხარეთა უფლება-მოვალეობანი

8.1. „მიწოდებელი“ ვალდებულია:

8.1.1. ზედმიწევნით და განუხრელად დაიცვას „ქვეპროგრამისა“ და წინამდებარე ხელშეკრულების პირობები;

8.1.2. უზრუნველყოს ამ ხელშეკრულებით განსაზღვრული საქონლის მიწოდება „შემსყიდველისათვის“ ან/და „შემსყიდველის“ მიერ მითითებული პირ(ებ)ისათვის, ხელშეკრულებით დადგენილი პირობების შესაბამისად;

8.1.3. ხელშეკრულების დანართ N1-ში მითითებული საქონლის მიწოდებისას, უზრუნველყოს საგარანტიო ფურცლის გაცემა, რომელიც შესაბამისობაში უნდა იყოს ხელშეკრულების პირობებთან. ამასთან, გაცემული გარანტია შესაძლებლობას უნდა აძლევდეს ნებისმიერ მესამე პირს ისარგებლოს საგარანტიო პირობებით, საგარანტიო ფურცლის წარდგენის შემთხვევაში;

8.1.4. უზრუნველყოს N1 დანართით გათვალისწინებული საქონლის ტრანსპორტირება ხელშეკრულების პირობების შესაბამისად;

8.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8.2. „შემსყიდველი“ ვალდებულია:

8.2.1. დაიცვას წინამდებარე ხელშეკრულების დებულებები და პირობები;

8.2.2. ამ ხელშეკრულების მე-7 მუხლის შესაბამისად, უზრუნველყოს „მიწოდებლის“ დროული ანაზღაურება, ხელშეკრულებით დადგენილი პირობების შესაბამისად;

8.2.3. დროულად განიხილოს „მიწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

8.2.4. მოთხოვნა საქონლის შესყიდვის შესახებ განახორციელოს ხელშეკრულების პირობების შესაბამისად;
8.3. „მიმწოდებელს“ უფლება აქვს, ხელშეკრულების ფარგლებში, მოითხოვოს დროული და სრული დაფინანსება.

8.4. „შემსყიდველს“ უფლება აქვს:

8.4.1. საქონლის მიღება-ჩაბარების დროს აწარმოოს მიწოდებული პროდუქციის რაოდენობისა და შესაბამისობის კონტროლი საქონლის შესყიდვის მოთხოვნასთან;

8.4.2. ამ ხელშეკრულების მე-5 მუხლის 5.2. პუნქტის განხორციელების მიზნით, ინსპექტირება/შემოწმება (ხელშეკრულებით განსაზღვრული პირობების შესრულების კონტროლი) განახორციელოს როგორც უფლებამოსილი წარმომადგენლის, ან/და შემოწმებელი ჯგუფის მეშვეობით. უფლებამოსილ წარმომადგენელ(ებ)ს და/ან შემოწმებელი ჯგუფის შემადგენლობას განსაზღვრავს „შემსყიდველი“. შემოწმებელი ჯგუფი შეიძლება შედგებოდეს (წარმომადგენდეს) როგორც „შემსყიდველის“ თანამშრომლების, ისე „შემსყიდველის“ მიერ დაქირავებული პირებისაგან.

8.4.3. განაცხადოს უარი უხარისხო საქონლის მიღებაზე.

9. ხელშეკრულების პირობების და ფასების გადასინჯვა

9.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორების გარდა. თუ რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.2. ხელშეკრულებაში დაფიქსირებული ერთეულის ფასის ცვლილება დასაშვებია მხოლოდ შემდეგ შემთხვევებში:

9.2.1. სავალუტო კურსის არანაკლებ 10%-ით ცვლილების, როგორც ზრდის, ასევე შემცირების შემთხვევაში.

9.2.2. საგადასახადო რეჟიმის შეცვლა, რაც უშუალო ზეგავლენას მოახდენს ამ ხელშეკრულების პირობების შესრულებაზე და გაზრდის ან შეამცირებს ფასს 10%-ით ან მეტით.

9.2.3. თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას, ან დადებდნენ სხვა შინაარსით, ეს ცვლილებები რომ გაეთვალისწინებინათ, მაშინ შეიძლება მოთხოვნილი იქნას ხელშეკრულების მისადაგება შეცვლილი გარემოებებისადმი.

9.3. დაუშვებელია ერთეულის ფასის ისეთი ცვლილება, რომელიც გამოიწვევს ხელშეკრულების ჯამური ღირებულების 10%-ზე მეტი ოდენობით გაზრდას.

9.4. ფასის შეცვლის ინიციატორმა მხარემ წინასწარ უნდა შეატყობინოს ამის შესახებ მეორე მხარეს წერილობითი ფორმით. ფასის ცვლილება ფორმდება მხარეთა წერილობითი შეთანხმებით. ამასთან, ნებისმიერ დროს შესაძლებელია ხელშეკრულების მოქმედების შეწყვეტა ერთ-ერთი მხარის ინიციატივით იმ შემთხვევაში, თუ მხარეები ვერ შეთანხმდებიან ფასების ცვლილებაზე, რაც არ ჩაითვლება ხელშეკრულების პირობების დარღვევად ან/და შეუსრულებლობად და არ გამოიწვევს მეორე მხარის მიმართ რაიმე სახის საჯარიმო სანქციის ან სხვაგვარი პასუხისმგებლობის გამოყენებას.

9.5. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შედგენილია წერილობით და ხელმოწერილია ორივე მხარის სრულუფლებიანი წარმომადგენლის მიერ.

10. მხარეთა მიერ ვალდებულებების შეუსრულებლობა

10.1. წინამდებარე ხელშეკრულების მე-5 მუხლის 5.1. პუნქტით განსაზღვრული მიწოდების ვადის გადაცილების შემთხვევაში, „მიმწოდებელს“ ეკისრება პირგასამტეხლო შეუსრულებელი ვალდებულების 0,02%-ის ოდენობით, ყოველ გადაგადაცილებულ კალენდარულ დღეზე.

10.2. იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს უფლებას შეწყვიტოს ხელშეკრულება და ამ მუხლის 10.1. პუნქტით გათვალისწინებული ყოველ გადაგადაცილებულ დღეზე დაანგარიშებული პირგასამტეხლოს ნაცვლად, მოთხოვოს „მიმწოდებელს“ ერთჯერადი პირგასამტეხლო ხელშეკრულების ღირებულების 10%-ის ოდენობის სახით.

10.3. პირგასამტეხლოს გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

10.4. ამ მუხლით გათვალისწინებული საჯარიმო სანქციების გარდა, თითოეული მხარე ვალდებულია აღნაზღაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი კანონმდებლობით დადგენილი პირობების შესაბამისად.

11. ფორს-მაჟორი

11.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

11.2. გადაულახავ ძალად ჩაითვლება შემდეგი (და არა მხოლოდ):

11.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

11.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები,

საგანგებო მდგომარეობა;

11.2.3. ეპიდემიები;

11.2.4. ბლოკადა ან ნებისმიერი ეკონომიკური ემბარგო;

11.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება ან ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და/ან ცვლის, წყვეტს ან აჩერებს ხელშეკრულების დებულებებსა და პირობებს.

11.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

11.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

11.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

11.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

11.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

11.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

12. ხელშეკრულების შეწყვეტა

12.1. ხელშეკრულება შეიძლება შეწყდეს მხარეთა ურთიერთშეთანხმების საფუძველზე.

12.2. ხელშეკრულების შეწყვეტა არ ათავისუფლებს მხარეებს ხელშეკრულების შეწყვეტამდე ხელშეკრულებით ნაკისრი ვალდებულებების შესრულებისაგან.

12.3. ხელშეკრულება აგრეთვე შეიძლება შეწყვეტილ იქნეს:

12.3.1. ურთიერთვალდებულებების შესრულებით.

12.3.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

13. დაგები და მათი გადაწყვეტის წესი

13.1. მხარეთა შორის წამოჭრილი დაგები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.

13.2. „შემსყიდველმა“ და „მიწოდებელმა“ ყველა ღონე უნდა იხმაროს, რათა პირდაპირი, არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დაგა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.3. თუ მხარეები ვერ შეძლებენ მოლაპარაკების საფუძველზე გადაწყვეტონ დაგა, მაშინ ნებისმიერ მხარეს შეუძლია მიმართოს საქართველოს სასამართლოს.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშეშლელ გარემოებებს, რომელთა გამო ფერხდება ხელშეკრულების პირობების შესრულება, დაუყოვნებლივ უნდა გაუგზავნონ ერთმანეთს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

15. ხელშეკრულების მოქმედების ვადა

15.1. ხელშეკრულება ძალაშია ხელმოწერის დღიდან და მოქმედებს 2018 წლის 31 იანვრის ჩათვლით.

16. სხვა პირობები

16.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გადრმაგების სურვილით.

16.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

16.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

16.4. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

16.5. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. შესახებ თუ არ მოხდა შესაბამისი ფაქტების დადასტურება.

16.6. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

16.7. მხარეები ვთანხმდებიან, რომ წინამდებარე ხელშეკრულებით გათვალისწინებული ვადების – დღეების ათვლისას არ გაითვალისწინება ის დღე, რომელშიც დდება ეს მოვლენა ან გარემოება.

16.8. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არაუგვიანეს დადგენილი ვადის მომდევნო სამუშაო დღეს.

16.9. წინამდებარე ხელშეკრულება შედგენილია 6 (ექვსი) ფურცლად, 3 (სამი) ეგზემპლარად, ქართულ ენაზე, რომელთაგან თითოეულს გააჩნია თანაბარი იურიდიული ძალა. ხელშეკრულების ორი ეგზემპლარი ინახება „შემსყიდველთან“, ხოლო ერთი ეგზემპლარი – „მიმწოდებელთან“.


17. მხარეთა მისამართები და რეკვიზიტები

„შემსყიდველი“

სსიპ „სოციალური მომსახურების სააგენტო“
ქ. თბილისი, აკაკი წერეთლის გამზირი N144
საიდენტიფიკაციო კოდი N202178927

„მიმწოდებელი“

შპს „GS“
ს/კ N401981021
მისამართი: ქ. თბილისი, თბილისი, ლარების II შეს. N14
ს.ს. „ბანკი ქართუ“ ბანკის კოდი: CRTUGE22
ანგარიში NGE22CR0000000015543602



ზაზა სოფროშაძე
სააგენტოს დირექტორი



გიგის სამადაშვილი
დირექტორი

ვიზირებულია: თ. მოდებამე

ლ. მამულაშვილი

ბ. დათუკიშვილი

ვ. გაზდელიანი

ა. ვასაძე

დანართი N1

N	საქონლის დასახელება	ტექნიკური მარცვლები	განზომილების ერთეული	რაოდენობა	წარმოების ქვეყანა	მწარმოებელი კომპანია	მოდელი	საფარნაჯი ვადა	ერთეულის ფასი (ლარი)	საერთო ფასი (ლარი)	მიწოდების ვადა და ადგილი
1	სარეზბი მანქანა	მაქსიმალური ჩატვირთვა: 5 კგ ბრუნა: 800 ბრ/წთ; ენერგო მოხმარების კლასი: A+; დილუმერის მოცულობა - 40 ლიტრი; ტექნოლოგიური პროცესის მართვის ტიპი - ავტომატური	ცალი	200	ჩინეთი	MIDEA	MFES0-S804	1 წელი	398	79600	საქონლის მიწოდება (გუნდვიდარეზზე გადაცემა) უნდა განხორციელდეს საქართველოს მიერ ტერიტორიაზე - ქალაქების, მუნიციპალიტეტების, დასახლებული პუნქტების (თემი, სოფელი) ჩათვლით საქონლის მიწოდება უნდა განხორციელდეს შემდეგი პირობების შესაბამისად: ა) საქონლის მოლიანი მოცულობის არაუმეტეს 20% - ხელშეკრულების გაფორმებიდან არა უგვიანეს 30 კალენდარული დღის განმავლობაში; ბ) საქონლის დარჩენილი რაოდენობა - ეტაპობრივად, "შემყიდველის" მოთხოვნიდან 5 (ხუთი) სამუშაო დღის განმავლობაში, ამასთან, არა უგვიანეს 2017 წლი 25 დეკემბრის.
	ჯამი:									79 600 ლარი	



„შემყიდველი“

ფ. სარეზბი
ფაზა სოფრომაძე
სააგენტოს დირექტორი

